

故宮
珍本
叢刊

顏山雜記·廣雁蕩山志



故宮博物院編

海南出版社

故宮珍本叢刊第 251 冊史部地理類山水

故宮博物院編

顏山雜記 廣雁蕩山志

海南出版社

新平船

PDG

圖書在版編目(CIP)數據

故宮珍本叢刊.第251~252冊,地理·山水,顏山雜記、廣雁蕩山志、攝山志、齊山岩洞志/故宮博物院編.-影印本.-海口:海南出版社,2001.4

ISBN 7-80645-986-3

I.故… II.故… III.古籍-善本-故宮博物院-叢刊 IV.Z121.7

中國版本圖書館 CIP 數據核字(2001)第 06663 號

故宮珍本叢刊第251冊

史部·地理·山水

顏山雜記 廣雁蕩山志

故宮博物院編

責任編輯:李升召

*

海南出版社出版發行

海南省海口市金盤開發區建設三橫路2號 郵政編碼:570216

湖南省新華印刷三廠印刷

湖南省長沙市韶山路158號 郵政編碼:410004

本書正文用紙由金城造紙(集團)有限責任公司生產

*

2001年6月第1版 2001年6月第1次印刷

開本:787×1092毫米 1/16 印張:22.5 印數:1-400冊

ISBN 7-80645-986-3/Z·67

定價:8400元(河渠山水古迹游記外紀96種共42冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

序

孝水

鄉於縣最僻遠而山

川清麗民風樸愿城之者王先

生元美記之者李先生于鱗于

鱗之文頗奇偉而地與事皆不

序一

甚切實蓋李生平與王最深其

為文特欲侈大之已耳固未嘗

身至其地而詳考其父老子第

也然

之城孝水也襟阜帶

溪

所高岫霞蒸清泉脉

錯自是百年以來民生日繁人

文日興興之後歸然獨完其

功豈可忘哉李所為文蓋於王

為不誣而於孝鄉則少踈矣城

東秋谷魏別駕祠有馮文敏鍾

序二

司空二公碑文亦雅健可喜其

於風土交涉頗狹予少年稍知

讀書每悵然有感夫境地必待

人而顯而文之文辭非王弗傳

故勝區名作常患不相值若幸

得之。一第之失真考之不詳亦猶之。木相值而已相國。止亭孫公往與予共硯席亦懷此歎。今垂三十年矣茲公以謝病暫歸里居多暇因成顏山雜記四

序三

卷寄以示予予讀之簡而有法。澹而多姿上追考工爾雅下亦不失應劭酈道元其文之工足以傳遠而其實則父老子弟所終日。而目之里巷誦說無異。

物無異辭也昔云元氣之融結為山川而山川之奇莫不有所鍾以自見孝水之受名舊矣自王先生城之又且百餘年傳記所載碑版所垂非不衆多也而

序四

二且信者不假於異邦之人而卒出於公則吾孝鄉之山川誠亦靈矣哉

康熙丙午徂暑同學趙進美題

顏山雜記

益都孫廷鈴伯度纂



山谷

蓋泰岱之陰連山二百里斷而復起然後有長白故圖經曰長白岱之北輔也其二百里間山大如長白者多有圖經皆無專名明乎皆泰岱之支麓義不得有專名也辟言地大者雖復十里一以州舉之此其義也雖然山大矣民衆矣

顏山雜記 一卷

同在山中莫適名也則言不順於是乎地從主人或以方或以物或以人或以水泉草木各意贈之辟猶遺賢在野鄉人得私謚焉此其義也幸鄉之山北望長白東連郡郭其大者宜從郡不從鄉然郡于岱遠鄉于岱近其自岱來者先從鄉後從郡矣蓋環城而近有南之峨嵋焉東之荆阜焉西之鳳嶺焉北之鶴崖虎山焉自岱來望顏城而先入與萊人共之者有南西之禹

峯土門西之樵嶺關下之驛口嶺焉自古來趨

長白而去欲去不去延佇於淄青之界者有路口之雙山臺南之八子砦焉自岱來循萊蕪谷而東去復折而西以啓義嶺之秀者有東南之岳陽黑山焉郡志失其什九山中之人間日補綴凡其自效於茲鄉者皆得錄而存之以示後之居是鄉者得攷其畧焉

義嶺 義嶺者義嶺也義嶺也者峨嵋也山形

顏山雜記 一卷 上

秀曲如眉之臨目也北來者十里間遙見四山高寒一峯隱秀樓閣三成在青蒼烟靄中義嶺上文昌祠也在城南關

鳳皇嶺 其山南接樵嶺北連西崖迢迢不極一峯廻注北翔而南折如鳳鳥之矯翼然山半有玉皇宮石樓古木時出清鐘遙對長河岸柳淺浦沙汀歷歷行人間聞魚鳥最爲幽絕在義嶺西南隔水對峙

五皇宮宋徽宗御製

太祖

一

太宗

三

真宗

一

仁宗

右一押泐闕

四代皇帝御書押字謹命工再模刻于石朝

顏山雜記

一卷

主

夕瞻禮上答聖恩宣和乙巳重六月神霄玉

清宮賜紫道士

宋碑肖蓬瀛亭記 乘鸞跨鶴神仙之勝遊

瀛海蓬萊洲島之絕境世之人喜道神仙中

事然不過傳記所載間而知之者耳顏泉山

水之富冠絕淄境巖居川觀蓋千餘家而居

民之東幽谷有泉晝夜混混盈而不竭是爲

二女泉泉合流穿石瀑瀉焉出于兩

山之別是爲東谿也山之陰支分派引不假

疏導灌漑蔬圃五六十區是爲平流平流之

側張君道源別業在焉南際谷口東接水涯

盤池匯泉植蓮養魚洲渚其中翫以巨石構

亭其上橋梁固而鯨背高畫舫迴而漣渚碧

極目周視烟嵐四圍凭檻俯觀花木叢翳隨

所矚寓皆足以滌塵襟而爽心目故能使

暫到忘歸每來終日勝地若斯豈數見於人

顏山雜記

一卷

四

問世哉克肖蓬瀛信非虛語其始鑿池余嘗

爲賦詩今亭旣成復屬余爲記夫惟處市里

而有林泉之志厭俗囂而思物外之遊自非

性識明達字量夷曠孰能與此道源其庶幾

乎大觀己丑季秋五日新泰臺理曹掾李桓

記

元碑 天之理一耳氣之運行亦一耳故心

外無天天外無道舍心而求天舍天而求道

猶適越而北轅其謬甚矣自漢武立通天之
臺候神之館承露之盤雖爲觀福而設亦未
聞廟而奉天帝也唐明皇祖老聃始宮太清
于亳邑宋真宗奉天書始宮玉清昭應于汴
都又諸宮觀或置使以領之亦有宰輔而兼
祠職者而徽宗以天子之尊而加教主道君
之號時琳宮之在天下奚啻萬區而三清老
氏之祠無處無之淄鄉南鄙一舍許有山名

顏山雜記

一卷

五

義嶺籠水出焉峯巒秀麗爲諸山冠宋大觀
己丑有賢而隱居黃冠曰張道源者樂是山
之岑蔚像玉皇而宮之松竹亭沼之勝蔬果
魚鼈之饒絕跡塵外以俟世路清平爾道
源旣死宮亦口灰靖康之亂迄聖朝廷祐于
今百禩無慮六七作至泰定初年摧敝又有
甚焉鄉耆胡深王福元二十輩鳩金僱工圮
而復營於是神路有門靈官有堂百年朽敝

復爲修觀荷無此新將遂瓦礫荆榛而已爾

其如摩天蒼桷何是立碑之以作義氣前

鄉貢進士東洋李源換新授臨江路新淦

州蒙古學教授胡從善書益都路益都縣

典史張益都路益都縣顏神鎮巡檢時

進義校尉益都路益都縣主簿周承務郎

益都路益都縣尹管諸軍奧魯勸農事喬汝

楫將仕郎益都路益都縣達魯花赤兼管

顏山雜記

一卷

六

諸軍奧魯勸農事忽都帖木兒至正二年

歲次丙子二月日

虎山虎豹崖虎者武也當鎮城之北方以

填水口謂玄武也有玄帝之宮焉又山雖小

而作意大力如虎也的踴躍也

英山鵝仙崖制崖臨水棲鳥起于壁間直

虎山夾處以助其力焉

東阜即河山麓也下臨陝谷上有盤石廣平

俗謂范文正公讀書臺猶虎丘千人石也以僻處也隱而無名在城東偏

黑山 環城諸山多青石此獨黑取而煨之一

石石得二斗鐵孝鄉之釜幣鉉犁是取資焉

郡志謂言林木蔽虧常如晦冥聞之不詳也

在峩嶺東十五里

舊口嶺 自土門道至青石關二十里兩山夾

谿崖壁峻竦巖樹交參單車徐引數步一息

顏山雜記

一卷

時則秋泉鳴于空峽谷鳥弄于陰林夕日層

陰徘徊展顧誠樵隱之槃居羈塗之逸駕矣

參政四明陳沂詩萬嶺千山一道分向空盤

磴歷青雲丹楓黃菊爭秋色白石蒼崖共夕

曛長劍倚峯當面立淨琴流水傍車聞秦關

蜀棧無踰此絕險真穿虎豹羣

副使吳邵王世貞詩千秋此夾谷駐馬意徘徊

細香鎖翠爭向青天線劃開人疑懸索度水

憶建康來同首兵車地虛生命世才

里人孫寶伺舊口道歌舊口道中谿谷黑青

石關下萬石塞馬踏石稜盤空行俯身北下

愁傾側前山回合路欲無夾岸高峯向人逼

有時疊嶂如連城白日蔽虧生暝色秋高萬

樹紛紫翠黑者露潤垂秋實山鳥不鳴秋已

深猛虎高臥夜留跡長弓在背箭在腰盤叢

自奮千夫力憶昔左車誇井陘宋武大峴快

顏山雜記

一卷

九

所經道左馬陵伏神弩天畔壘關擁地形又

見此地設天險九州則壤分徐青周家青社

胙茅土山陰則齊陽則魯伐齊曾記哀公年

艾陵一戰雄千古先克博邑後克嬴此地川

岩映赤羽當年南北阻巖關夾谷臺高季水

潯 聖代一統亭障空青濟分疆開二府

白羊水落羣山高天末秋風吹錦袍騰逃山

鬼奔鼠無畏寒光照寶刀

山 斗城西十五里王六嶺四壁層巒起
伏森森如連波孤峯挺立萬山之表時有雲
氣浮浮帶其蒼岫雨則先起晴則後散城中
之雨候也

樵嶺 登岡山而南望重岡合沓灌木塞塗是
樵嶺也其下間敞小有田居樵屋依岩三三
兩兩中多白石晴沙洄泉澗瀨交影青林之
下炎陽朱夏失其酷暑樵嶺泉也今懸崖有

顏山雜記

一卷

九

洞去地百尺猿引而上容數百人土人避兵
處也在城西南十里

八子砦 此爲深谷西爲門東爲皆巉岩不可
以上對谷有人家茅屋依山生裂石間有洞
在巖際不可梯攀中多夜明砂土人歲一取
之繩崖而入在城西十里

石馬山黃紅嶺在城南三十里

趙進黃紅嶺記并詩村居日已晴亭午客

有談黃紅嶺之勝者率而命靈運旋落斤陌
數里陟山麓山率磅礴爭奇無所容不可往
至嶺則岩盡立林木皆俯忽有遠望遙遙而
歸者秋潦之所出也人因以通焉奇石芴列
旣往卽攀援以登未里許導者邀予遵左岩
之足猿引以上予恃掖者掖者恃蔓葛影皆
遙懸至一洞仰視其戶猶在百尺巔登者手
口膝足皆倚于石如將入焉所倚各相附始

顏山雜記

一卷

十

徐移其一不可上下視不知所至惟聽于石
躍洞而望重山蒼然危岑嶺岫異勢而同賞
古巖對峙雜木森援時見一二人出沒鳥巢
枯葉間風颯颯不止良久而下復循嶺以入
山愈迫石愈瘦而壯細流漣漣然鳴谷巖
半有小泉甚湛冽落苔蘚中散流若無遊者
至此忽自見其影在石上乃其嘆悵焉初至
第三潭潭底石極寒而如冰寒甚若也

冬意所集又下餘步則第二潭皆冰矣石氣互映不可辨冰上有枯樹痕勁枝頽幹皆如畫復進則石之或植或臥咸丈餘錯愕相承初謂徑且窮既數踰之衣袂泠泠有聲受吾趾者皆若奔雲積雪目力所聚惟蒼寒肅肅而已初潭淵瑩秀微石環之以鑑其古貌巖峩參差大者箕踞小者旁睨而以潭也則意益孤勢益巖致益冷而潭亦因石以成其靜

顏山雜記

一卷

七

峪至此且盡巖既合而怒起數百丈老藤盤蛇空遊異木交蔭夏秋間來石上者不見星日瀑布乘巖首而垂飛沫四濺潭上之石皆不可坐臥淙水既收潭石皆定人始得近狎之而猶凜然慄慄神棲息歛若無依也峪暨窈窕幽邃層障阻蔽顏色冉冉方自衆山來而遂已先暮潭石清寂出其光潔並以照人歸者如行淡月中忘吾勞焉

嚴冬方凜冽絳風沐寒晴空林依積雪寂寞發奇遊曠色入鴻濛岩靜清潭幽微雲翼孤峯素石鳴潛流絕壁無晦明日夕蒼烟留嵐氣何處滅時見歸鳥投陰壑雷雨古山光草木收苔潔含晨水返照披暮丘衆岑相波濤渺如漾輕舟

西阜

當禹石門外之巖崖也

孫廷鐸清明飲西阜詩天亦愛時節風恬物

顏山雜記

一卷

七

自清以君臨水意動我看山情野圃垂新柳春城上舊鶯蕭辰多勝事隨意一班荆臺觴雜坐臥徙倚晚州生自覺憐同調誰能惜宿醒席邊芳草合眼底李花明不有石門唱那知物外情

水泉

青州之水載在禹貢曰海若澗若澗南汝若濟旁見於傳乘曰澗廣於水經曰汶北汝若膠若巨洋皆川水也禹堙洪水除苗害疏貢道則已非是不書蓋舉其大而細者可畧也大禹既沒陵谷變移尋經脉水時有牴牾故桑欽又詳之蓋舉其細而大者可按也海納百川川納衆流一勺之多亦歸溟渤匪是則河海無以成

顏山雜記

一卷

圭

其大故鄆道于水經注別山窮谷錄及涓泉野渚潭潭悉歸掌故蓋舉其纖而細者可盡也若又其隱者泉生階祀清瀨時潤起雲根秋泓乍瀉事已微矣非其土著孰記潛源聊舉昔人所遺復綴於此非其境者雖近不錄焉

大洪泉

又名白雲泉

在鳳嶺之陽阿巉岩壘

疊相承如版幹怒濤裂石而出水竇處可潤八尺高六七寸傾岩爭吐石淙懸注下激深

潭驚湍急峽恍忽動搖每清秋霽夕綠溪洞潮雪浪飛寒覺微風扇於蘋末臨石徒倚如霧露沾人雖去之若遺砗磲之聲猶自在耳按黃河之下呂梁謂之洪言其驚急而盛大也郡乘訛爲打圍或又從而實之鄰里無文失其趣矣

趙進美白雲泉詩猶借危岑勢獨宜幽者聞色侵寒石淨聲自亂雲分晴動蒼蘿徑秋生

顏山雜記

一卷

古

白鷺羣盡鴈莫早返爾看月紛紛 奇雲吐潔岫遠似此泉光但在溪聲內同分山氣涼風烟接湫澗城郭入青蒼前浦孤峯下森森魚鳥鄉

藥王泉

出大洪泉下白石硯阿荇芹蒙密吹

浪翻瀾汨汨四出以上承洪泉之頽波不辨其際但覺水面至此乃突而高洪水有潤此泉不絕

白羊河 出西山流入甕口道亂流齒齒數里
行積石中水南有巨石臨倚方廣若三間屋
亭亭如波上立下則晴沙散雪吹影鏤紋々
陽微射時觀沙面如縱筆奇書恍恍無定委
天然二寸魚與石旁木葉秋花相映時則稱
此石爲釣魚臺其水東去又入石碕中壁門
斗絕無復寸土求隘爭鳴落石潭中曰黑石
之灣又北帶麓泉水以入孝水也

顏山雜記

一卷

圭

麓泉 出黑石灣下河東岸側

孝泉 出大洪泉百步外顏文姜祠下深源靜
闕漚爲清池深可丈餘浮泡泛珠吹沙湧起
澄淨寒徹不掩針芒藻翻荇搖皆可辨數其
上虛簷翠栢負日高寒臨斯池也靡不倚檻
徘徊獨煩易慮者矣水出祠外與大洪泉水
合逕踐積石悉成湍溜峩嶺之陽諸山泉水
左注之驚立鳬巖小有渟渟乃行峽中石梁

起於絕壑闌干橫帶兩山過梁支離泉柳林
泉水右注之北流逕西寺閣前黃石起於山
根輕湍爲之洞注至鎮城西北范河口范水
左注之又北沙溝山水右注之又北出於兩
山之間是爲虎山矣其水半湍深陂半流石
上又東北後峪諸山泉水左注之又屈曲西
北石曰河水右注之又北至服陽與般水會
趙進美孝泉詩逶迤近桑梓觸事皆可悅矧

顏山雜記

一卷

圭

茲曉山淨復對寒泉潔寥寥廣殿虛肅肅涼
風發弱荇搖中池素濤散成雪石壁瀉微雪
鳥聲弄清樾倚欄蕩塵纓顧影傷短髮十年
困奔走望遠意飛越何當耕溪濱放歌甘薇
蕨○惆悵石橋古樹涼天涯行李豈能忘已
知山意多秋雨自聽泉聲到夕陽
支離泉 出鳳山峽口本沙泉細水而枯旱不
竭昔有道士劉支離呪此水有奇異立碣書

符於泉上石蹟猶存今移於山上玉清宮其詳不可得聞

柳林泉 出支離泉下苑柳繁陰可枕可漱

二女泉 出城南巖嶺之北麓東西有二泉東泉清深珠而不藻西泉淵闊藻而不珠泉南舊有二女堂今四角石礎猶存蓋聞昔有二女閔其父母老獨無兒遂乃共誓不嫁投身淨門以資供養泉上是其出家之處惜其碣

顏山雜記

一卷

七

石湮滅事蹟難詳其曰龍泉曰珍珠泉者皆後人之所目也夫畫龍不靈照乘非寶忍沒獨行成斯淺義因緣乖格未謂愜然泉上今爲龍泉寺桐栢蔚鬱香臺閒靜以近山也鳥聲多而人迹少時間僧伽讚揚清梵值秋高氣微則萬柿垂紅於金字丹魚吹碧於淨池此焉棲息亦爲勝因水出寺北流逕趙御史班璽園亭至於城下半入水門半落隍中西

流北折同入范河以歸茅水也

趙進美疏泉記 龍泉水入南城而支焉又逶西城外城中西南人皆臨水而居日得一人合城中西南人其得不計矣今歲旱泉不能出日失一人合城中西南人其失不計矣合城中西南人而出之或一人或一日或數人或數日耳其得又不計矣寒既久泉必他溢若大雨泉不能出然能沒也被時出之其

顏山雜記

一卷

七

失又不計矣泉計必能知此崇禎十一年五月二十八日余姪世榮實倡刊浴之舉臺臺新流長幼沛悅爰刻同言以識始作孫廷銓過趙侍御園亭詩我屋青岩側君園碧水潯蒼茫連一徑蕭城寄遙心泉落山皆響門深柳自陰坐來幽興愜聽徧應時禽○小築非時就孤亭羨此安人家分水石吾土富林巒病覺抽簪好官虞迴地難終當茅結

屋渾似此中看

范泉 出東阜范文正公祠堂下祠前臨秋谷

澗道迴合舊富喬木其泉流入澗遶樹穿林

水葉泉聲瀟瀟響答文正微時讀書處也按

文正父爲涵青記室客死文正少孤育於長

山朱氏因名朱說嘗讀書長白山禮泉寺斷

齋畫粥刻苦勵志及登第乃易姓名故其表

曰入境遂稱張祿乘舟偶効陶朱以秋谷之

顏山雜記

一卷

七

接迹長白實爲勝地伏讀樓尋其有由然近

居人於此谷上遠駕石梁平通山脚接引泉

水遂乃於梁上跨谷分流每尋梁慰集虛谷

來風青岩阻日弄溪光拾澗藻石梁上下南

澗北流東泉西逝月淨波明宛成十字濠梁

之性樂以忘還其水運乎城中與二女泉合

其支流之不上石梁者循山旁注逕趙濟美

涼洞亭南落入於澗皆於城北會爲范河以

歸秀水也

分署通判平定和清遊范泉詩 龍泉之東

秋谷口瀉出寒流漱瓊玖誰種長松綠蔽天

繁雲兩岸垂楊柳涼透襟裾暑氣散范老藏

修歲時久雲間片石讀書臺籃輿直上荆山

陡平看翠壁夾長川鳥鳴不見紅塵走相逢

月色滿山堂况有清人載斗酒岡南岡北盡

桃林問花開後還開否待得春歸約再來尋

顏山雜記

一卷

丰

真肯負攀枝手恣遊何處問高風千載古人

吾尚友

孫廷銓初春賦退後偶過范泉詩 晴嶠猶

照石牀書樹杪危欄晚眺餘石引泉聲成窅

轉雪殘山意上清虛條風微欲飈玄鳥弱荷

春來聚白魚斗酒相呼頻未厭近時憂樂倍

躊躇

趙進美同題 風日今晨定山州盡作春銀

難郭外意珍重亂餘身溪色分晴遠城寒借

柳新清吟同倚杖幽磬更依人○又歲暮飲

家岐叔秋谷園亭 樹暗溪聲遶山明日氣

唧雲霞寒入座冰雪翳依巖謝客烏皮几長

歌白水鏡薜蘿春欲發三徑莫全芟○史別

墅作效晚唐 十里嵐光烟後新蕭蕭灌木

照溪濱青鞋短杖尋山誌白石寒泉隱士身

斷續蟬聲草間雨高低驢背板橋人北窓柳

顏山雜記

一卷

圭

色風吹入薄暮雲歸滿四鄰

雙泉

觀音泉

沙泉 皆出范泉南秋谷中北與范水合

馬君祠泉

張一泉 皆出西山旱溢無時夏秋水漲則鄰

繇成川同爲沙溝河以達孝水

孫廷銓晚秋過馬君祠詩 孤村人境外烟

火負巖居茅屋同卑破霜林錦不如峯廻看

路誤水落譙天虛日夕狂歌起依稀是接輿

○小圃深藏壑危峯欲造天刈葵千樹露蒸

棗一林烟山勢連愚谷溪流似冷泉翻愁車

馬過難徑最高懸

務子泉

倒流河

梁莊泉 皆出東山合流逕彼岸寺南入於孝

顏山雜記

一卷

圭

水按後峪村彼岸院金世宗大定四年勅建

有尚書禮部牒文刻石院中餘文剝蝕不可

辨讀矣其寺後枕山阿前臨溪水平泉深柳

可以植蓮菱泛鳬鷺爲勝觀也

按水經注隴水南出長城中 舊注當作瀧水

瀧有雙龍二音 東北流至般陽縣故城西南

與般水會水出縣東南龍山俗亦謂之爲左

阜水西北逕其城南至莽之濟南亭也應劭

曰縣在般水之陽縣資名焉其水又南屈西入瀧水北逕其縣西北流至萌水口萌水出西南甲山東北逕萌山西東北入于瀧瀧水又西北至梁鄒東南與魚子溝水合水南出長白山東抑泉口山卽陳仲子夫妻之所隱也孟子曰仲子齊國之世家兄戴祿萬鍾仲子茆而不食避兄離母家于於陵卽此處也其水又逕於陵縣故城西王莽之於陸也世

顏山雜記

一卷

重

祖建武十五年更封則鄉侯侯霸爲侯國其水北流注于瀧水瀧水卽古袁水也故京相璠曰濟南梁鄒縣有袁水者也瀧水又西北逕梁鄒縣故城南又北屈逕其城西漢高祖六年封武虎爲侯國其水北注濟其城之東北又有時水西北注焉
青州府志古季水一名龍水今季婦河也北注般陽般水入焉又北逕長山縣西又北逕

新城縣西又北入于小清河抵高苑博興樂安又東北高家港入于海

小清河卽濟水之支津也

顏山雜記

二卷

新